


卯五

37

急救應驗良方



光緒二年五月刊

急救應驗良方

版存浙省軍需局

古人嘗謂一命之吏苟存心於愛
物於物必有可濟况職位地方能
於人命生死關頭急為補救則救
一命以全兩命所關豈淺鮮乎夫鄉
愚無知每逞血氣之勇以致所毆
殺傷命懸呼吸良有司者以此務為

急求生路，惟力求其生而不得，乃
不得已而鞠凶擬抵。昔劉蒼舫克
生有驗，傷後收瘞署中調治之
檄，洵愛民救命之苦心也。孫琴西方
伯秉皖臬時，刻有急救應驗良方
一冊，信屬有關民命之書。永州縣官

苟能平時留意猝遇此種案情
急為救治庶無愧為新民父以用
特仿照刊印分給各屬凡在民牧
均宜念切愛民勿置民命於膜外
余實有厚望焉至後附各方志為
濟民便民而設其有留意與否

光緒二年歲在丙子潤五月中澣

吉楊昌濬識

急救應驗良方目錄

回生第一仙方

玉真散

當歸湯

白糖飲

殺傷內膜未損

殺傷不透膜

殺傷未收口

流血不止

金刃傷不可見水

鐵扇散

壓傷垂斃

跌傷潰爛

桃花散

七釐散

八釐散

九分散

自刎救法

玉紅丹

生肌長肉膏

自刎喉斷應驗

金刃及跌打損傷

金瘡奇驗續指方

金瘡筋斷脈絕血盡人亡

金瘡腸出

金瘡傷重被驚

金瘡內爛生蛆

皮破筋斷

筋骨損傷

跌打損傷及墜馬重車碾傷

少林奪命丹

折傷接骨

接骨靈丹

破傷風

救治凍死說

誤服生鴉片並非真死說 服紅礬急救應驗

太乙紫金錠

平安萬應丸

來復丹

起生丸

開關散

續增目錄

服生鴉片並宮粉及過醉

癩犬咬傷毒發

誤吞生洋煙

止血補傷丹卽玉真散

傷損神效散

傷寒等症神方

對口乳癰無名腫毒方

保胎催生經驗良方

紹葛民方伯傳經驗方

治癰疽無名瘡毒

止痘丹

瘟疫三方

喉症三方

清肺養胃湯

急救應驗良方凡鬪毆輕生以及跌撲碾軋等傷
均屬命懸呼吸倉猝莫救每多殞命遂致縲綬
囹圄論擬抵償牽連累訟至於家破人亡懷念
及此深堪憫惻雖禍患由乎不測而補救實藉
良方是以廣集方書擇其應急經驗者臚列於
後以冀廣布流傳藉得起死回生化險爲夷尙
望同志諸君或捐備要藥儲待濟施或刊發流
通勸製救急未始非體天地好生之德發到處
活人之心耳

回生第一仙方 治跌傷壓傷打傷刀傷銃傷自刎自

縊驚死溺死等症雖徧體重傷死已數日只要身體

稍軟用此丹灌服少刻卽有微氣再服一次卽活大

便如下紫血更妙惟身體僵硬者難救此係豫章彭

竹樓民部家傳祕方道光初年民部宰直隸時有人

被毆死已三日矣民部往驗見其肢體尙軟打開一

齒以此丹灌服壹分伍釐少刻其屍微動再灌壹分

伍釐而活其餘甫經毆死或死經一二日者全活尤

多終歲無一命案維時磁州地震壓斃甚衆民部製

丹遣人馳往救活不下千人大有起死回生之妙誠

千古第一仙丹如能施藥傳方救得一人之生可全

兩人之命造福無量若州縣有驗屍驗傷之責更應

製備給服以免緝兇處分承審失出失入之愆保全

民命尤多焉

活土鼈蟲

又名地鼈又名簸箕蟲形扁不能飛大小不等色黑

而亮背有橫楞前窄後寬以大如大指頭為佳小者
功緩雄的更好用刀截為兩節放地上以碗蓋住過
夜其蟲自接而活方是雄的隨處皆有或生米店有
糠之處及碓臼下倉底竈腳冬天竈腳更多或生麩
鋪或油榨坊並空房乾燥之處總在鬆土內尋覓取
活的去是放新瓦上小火焙黃研細用淨末五錢死
的不效假的更不效藥店有乾的賣
一看便知設若不真須得購覓活的
自然銅瓦上新

木炭火內燒紅入好醋內淬半刻取出再燒再淬連製九次研末要親身自製藥店內製多不透無效用

淨末叁錢

真乳香

去油用淨末貳錢以形如乳頭

淬音倅

油之法須用細草紙疊四五層將乳香勻鋪在上用火鑪蓋翻轉烘之候焯乘熱剔在另紙上仍疊四五

層烘之油透再換如此數次油跡漸淨再用細草紙

數層攤勻上蓋細草紙數層仍烘令極熱取出急用

圓木碾之再換紙烘再碾如此又數次候紙上無油

暈則淨矣乳香既極燥在鉢中研亦不搭底可以極

細沒藥去油亦用

此法最妙最妥

真陳血竭

飛淨 貳錢

真硃砂

飛淨 貳錢

巴豆

去壳研用紙包壓數次去淨油用淨霜末貳錢

真麝香

叁分要 當門子

以上各藥揀選明淨眼同研極細末收入小口磁瓶

口大藥用蠟封口不可洩氣大人每服壹分伍釐小易洩氣

兒柴釐酒沖服牙關不開者打開一齒灌之必活藥要

秤準方效灌時多用水酒使藥下喉爲要 或用白鹽梅擦牙卽能開并不

傷齒或用巴豆柴粒紙裹搥油將油紙捻條燒煙薰

入鼻內并後列之方牙關亦開如不能開方用物打

折一齒將藥灌入活後宜避風調養照後凍死法參

酌治之如活轉心腹疼痛此瘀血未淨服白糖飲自

愈見後

玉真散卽神妙金瘡止血藥 治跌打損傷已破口者

無論傷口大小不省人事或傷口潰爛進風口眼喎

斜手足扯動形如彎弓只要心前微溫用此藥敷傷

口如膿多者用溫茶避風另用熱酒沖服叁錢不飲
洗淨再敷無膿不必洗

酒者滾水沖服亦能起死回生惟嘔吐者難治藥雖

平淡效最神奇功在七釐鐵扇諸方之上藥料易覓

無假其價亦廉或傳方或施藥功德非淺 明天麻

壹兩 羌活 壹兩 防風 壹兩 生南星 壹兩 薑 壹兩 白芷 壹兩

白附子 拾貳兩 以上藥料須揀選明淨眼同研極

細末重羅篩過收入小口磁餅以蠟封口不可洩氣

青腫者水調敷如溼爛不能收口用熟石膏貳錢黃
丹叁分共研極細加入敷之均可即愈不避風不忌

嘴許信臣中丞本云此方在京合藥施送凡被車
壓傷者救全甚多價極廉是最見效者○愚按傷藥
方當以此玉真散及後之鐵扇
散真降香龍眼核四方為最

當歸湯 治跌打損傷未破口者功能散瘀活血雖已

氣絕牙關緊閉照白糖飲治法擦開灌之亦活此少

林寺教師方也 當歸錢伍 澤瀉錢伍 川芎錢叁 紅

花錢叁 桃仁錢叁 丹皮錢叁 好蘇木錢貳 酒水各壹

碗煎陸分服 頭傷加藁本錢壹 手傷加桂枝錢壹

腰傷加杜仲錢壹 脇傷加白芥子錢壹 膝傷加牛膝

錢壹

白糖飲 凡跌打損傷如已氣絕牙關緊閉先用半夏

在兩腮邊擦之牙關自開急用熱酒沖白沙糖貳叁兩灌入不飲酒者水服亦可愈多愈妙無論受傷輕重服之可免瘀血攻心至穩至靈不可輕忽 又方

如氣絕不省人事者急用生半夏研末水調黃豆大塞鼻孔立能蘇醒男左女右醒後鼻痛用老薑汁擦過卽不痛也 又方 仙桃草連根陰乾研末每

服一二錢開水送下雖傷重垂危服之立見功效江南一盜身受多傷躺臥道傍一人路過見而憐之村

中乞水與飲盜出此藥調水服下服後半刻遍身傷處作響立即起而行矣詢之此草生麥地中葉小梗紅有子如胡椒大內有一蟲在小暑節內前後十五日採之早則蟲尙未生遲則蟲已飛去無蟲則無效聞廣西陽朔一帶亦有此種名麥桿草八九月內方有蟲生可採 又方 先用活雞連毛破開去腸雜不可著水敷罨傷處雖至垂危只要胸前微溫即時立醒然後用藥治之仍服白糖飲爲要

凡破傷風先以自手三指並連直插入病人之口如

可插入者易治若止有二指插入者其症必危以上
回生等方藥皆平淡價廉易得每思受傷命在呼吸
之際鄉僻或乏良醫或倉忙無藥可救必致傷輕轉
重傷重致死者多心常憫惻是以於此等立能起死
回生效驗神速之方不憚煩雜廣爲搜集所望地方
良有司先於平日虔合預備遇有驗傷隨時施用不
獨傷輕者立愈卽傷重氣絕垂危者亦可挽回或先
諭給四境鎮集耆老就近先事濟急免致傷風死於
非命豈僅救死於傷抵於法之兩命又可保全一方

溫飽之家因案株連瘐斃及於無辜此中陰德種福較勝積金積書於子孫奚啻萬倍哉

殺傷內膜未損者 急用葱白放鍋內炒熱徧敷傷處

冷則再換雖氣絕者猶可救活

硤川沈氏刊方

推官宋琢如

定驗兩處殺傷氣偶未絕急令保甲各取葱白放鍋

炒熱敷傷處繼而呻吟再換葱白敷之傷者無痛矣

會以語樂平縣令鮑芹及再會鮑曰葱白甚妙樂平

人好鬪多傷每有殺傷公事未暇詰問先將葱白敷

傷活人甚多

愚

按許中丞本冷用敷方血流不止用

葱白搗爛敷上卽收口而愈敷三四次爲佳又搗爛
熱敷皮肉青腫則與祕方集驗葱搭法同 跌撲損
傷腫痛用葱頭搗爛炒熱敷患處冷則再易止痛消
腫散瘀極妙方法略同可見此方冷熱皆可破與不
破均有效驗且隨處俱有之物簡便易行奏效尤速
凡窮鄉僻壤跌破頭面手足血流不止匆忙無藥切
不可用香灰按上每致害痛極難收口且結痂落後
癢帶青色曾試過不宜用或卽用葱白或喫的黃烟
末一撮按在傷處紮好莫透風忌食發物卽止痛亦

易收口

傳家寶

殺傷不透膜者 急用烏賊魚骨或龍骨為細末敷瘡

口上血立止即甦傷處無痛

殺傷未收口者 千年石灰入象皮研末敷之

祕方集驗

又方 生半夏末亦治金刃傷血流不止帶血敷上

即止痛且易收口生肌

錢青掄方

又方 白膠香 老

松皮 白芷 血竭 等分為末

糝傷處亦可止血收口

流血不止 石榴花

肆兩

用陳石灰半升研為細末敷

上便瘥神效

海上方

又方 嫩紫蘇葉 桑葉 同

搗貼之 永類
鈴方

又方 瘦猪肉切厚片貼上無論傷

口大小血流不止者立效如神或用猪皮亦可此急

救止血第一方也

金刃傷切不可見水 用圖書石滑石粉糝之 又方

用堅實條炭貳叁寸燒至紅透入鐵臼內或石臼

中加紅糖貳叁兩搗至千杵如醬凡遇致命重傷尚

存一息者急將此藥敷於患處再用或綢或布包裹

七日即愈 凡刃傷藥純黑者痲落後往往有黑如金
暈似宜看傷處隱顯施用不可不知

刃透膜及斷指折足血流不住等傷先敷此藥外取

葫蘆肉白衣一層貼上其血卽住惟忌食生冷不忌

一切發物至傷之大小不拘定炭之貳叁寸糖之貳

叁兩也陶樸成方 又方 用降香壹兩研極細末 白蠟叁錢共研

末細和勻敷滿患處用絹帕紮縛得緊不可下水經風

三週時全愈廣善編醫方

鐵扇散 象皮伍錢切薄片焙黃色以乾為度勿令焦 龍骨伍錢用上白者生研

陳石灰壹兩以數百年者為佳原方用老材香產於山陝等省 寸柏香壹兩

卽松香中之黑色者 松香壹兩與寸柏香同鎔化攪勻入冷水取出涼乾研 飛礬

壹兩將白礬入鍋內熬透 其為細末收入磁餅遇有一切破傷者

用藥敷傷口以扇搨之立愈
血不流則不必搨不必包裹過

暖難於結痂並忌飲酒致血熱妄行忌臥熱處夏宜

涼地冬忌火烘如傷處發腫煎黃連水用翎毛蘸塗

即消設受傷潰爛日久有濃血用黃連洗後敷藥
夏氏

山右傳來

壓傷垂斃 杭城項姓因修屋倒塌被壓垂死十二人

用金瘡鐵扇散末藥敷傷處一扇搨之一日而愈
海昌

沈氏醫案方見前

跌傷潰爛 杭城計姓墮城跌石上劃開左腿已爛百

餘日視其傷口長三寸餘深寸餘潰爛有濃血用黃

連煎水洗去血污以鐵扇散敷之三日而愈同上

桃花散 石灰貳升 大黃肆兩 同炒候石灰至銀紅色

爲度檢去大黃不用將石灰碾篩極細末收入餅內

過月餘去火氣然後應用 又方 用陳石灰壹升

膽陰乾收肆兩 同石灰炒至桃花色取起俱置

地一夜出火氣研末收藏敷之祕方集驗均卽止血生肌

神效

七釐散 上硃砂壹錢貳分 眞麝香壹分 梅花冰

水飛淨

片壹分
貳釐

淨乳香壹錢
伍分

紅花壹錢
伍分

明沒藥壹錢
伍分

瓜兒血竭壹兩

粉口兒茶貳錢
肆分

以上各藥揀選道

地於五月五日午時共為極細末磁餅收儲黃蠟封

口每服七釐不可多服孕婦忌服此藥專治金瘡跌

打損傷骨斷筋折血流不止者先以藥七釐燒酒沖

服復用藥以燒酒調敷傷處如金刃傷重或食噪割

斷不須雞皮包紮急用此藥乾糝定痛止血立時見

效并治一切無名腫毒亦用前法調服

八釐散 土鼈蟲壹錢
焙

乳香壹錢

沒藥壹錢

血竭壹錢

雄黃伍分

巴豆霜伍分

當歸伍分

生半夏伍分

砂

仁伍分

甜瓜子伍分

共為細末收磁餅內勿令洩氣每

用準八釐小兒三釐好酒送下與後統治跌打損傷入口即活

九分散 馬前子肆兩去皮毛

麻黃肆兩去節

乳香肆兩去油

沒藥肆兩去油各研細末再合研極細收磁餅內勿令洩

氣遇有受傷人即與準九分服下以無灰老酒調藥力

甚大服時萬不可過九分外傷處破者乾上若未破止見青腫用

燒酒調塗服藥後如覺胸中發鬧周身發麻此是藥

力行動勿恐若受傷甚重服後不見動靜過一個半
時辰再用無灰老酒調服九分再服後仍無動靜再
過箇半時辰再服九分如此敷服無論何項重傷皆
能起死回生真破傷第一方也孕婦忌服

自刎救法 自刎者迅速之症急宜早救遲則額冷氣
絕必難救矣乘初刎時氣未絕身未冷輕輕扶住仰
睡將頭枕起合攏刃口將血拭去急用活雞一二隻
快手輕去其毛生剝雞皮乘熱速貼患處冷則無用
內服玉真散前見自愈之後雞皮自脫或將絲綫縫合

刃口週圍纏護糝上桃花散多揜爲要卽用軟絹帛
并棉花或棉紙四五層紮之外將女人舊布裹腳週
圍再纏五六轉勿使洩氣其中自然合一令刎者仰

臥以高枕枕腦後使頭鬱而不直刃口不開三日後
解去前藥用桃花散糝刃口或玉紅丹敷患處外用

生肌長肉大膏藥貼之仍以絹帛圍裹針綫縫緊候

其肉長收功

江蘇胡廉訪
刊傳各方

又方

治法如前縫紮

後每日服玉真散三錢覺傷處生肌卽不必服未生
肌卽日日常服無論食噤氣噤俱斷一月必愈屢試

如神若食氣兩嚙未斷照損傷方治之如氣嚙已斷
氣絕只要身體微軟一面照前敷治一面以回生丹
服之亦可活也

玉紅丹 黃丹貳錢炒 白龍骨貳錢炒 石羔叁錢煨 共研

細末收餅聽用

生肌長肉膏 當歸壹兩 黃耆壹兩 山茨菇壹兩 白芷

壹兩 甘草壹兩 血餘壹兩 天麻壹兩 獨活壹兩 穿山

甲壹兩 露蜂房壹兩 五倍子壹兩 天花粉壹兩 荆芥

壹兩 白藪壹兩 肉桂壹兩 金銀花壹兩 白芍壹兩 牛

莠子 壹兩均淨

麻油 叁兩 如法熬去渣約略油之老嫩入

飛過黃丹收之再入白蠟 貳兩 黃蠟 貳兩 血竭 貳兩 銅綠 貳兩

待冷再入輕粉 壹兩 乳香 壹兩 沒藥 壹兩 各去油 壹兩 龍骨 壹兩

煨象片 壹兩炒 樟腦 壹兩 赤石脂 壹兩 兒茶 壹兩 麝香 伍釐 冰片

貳錢 各製為末和入攪勻收藏待用

自刎喉斷應驗 一人因口角用刀自刎傷長二寸餘

食嚙半斷傷口冒血痛甚在地滾跌不能敷藥因縛

其手足令臥涼地用枕墊其首使傷口漸合即敷鐵

扇散搨之少頃血凝半日後湯飲如常三日而愈

急救馬良方
又一人用剃刀自刎食喉半斷喘氣傷口俱有血泡
蓋喉間之氣已出於傷口也用散藥敷之搨少頃血
凝兩日而愈

金刃及跌打損傷 用龍眼核剝盡外面光皮只用其
仁搗研極細末按敷傷口卽定痛止血此西秦巴里
坤營中急救方也大有功效如口渴者不可飲水但
食油膩之物以解其渴更忌食粥則血必湧出而死
又方 用生松香熟松香和勻敷之或加半夏末
亦可 此兩方俱軍營中救活多人

金瘡奇驗續指方

真降香

切片火上炙去油

荔枝核

血

竭三味等分爲細末敷患處雖斷指亦能續也 又

方 真蘇木研極細末糝於斷指間接定外用蠶繭

包縛牢固數日卽如故亦治刃矢傷

此少林接指方極簡易惟無蠶

處須預購繭耳

又方

老薑嚼爛敷之舊棉包裹簡便神

效不可以平淡而輕忽也

金瘡筋斷脈絕血盡人亡

急用天花粉

參兩

赤芍

貳兩

薑黃

壹兩

白芷

壹兩

共爲細末先用繩索或絹帶紮

住血路然後以清茶調敷用軟絹縛之其血立止其

腫頓消若金瘡著水翻花者薤汁調敷瘡口兩旁以

微火炙之或用稻桿烟薰之瘡口水出即愈祕方隨錄

又方 龍骨散 用龍骨煨 白芨各等分 瘡口小乾

敷口大凉水調敷經驗廣集

金瘡腸出 用糯米叁升於端午前四十九日以冷水

浸之一日兩換水輕淘轉勿令攪碎至端午日取出

陰乾絹袋盛挂通風處每用旋取炒黑為末冷水調

如膏藥隨瘡大小裹定瘡口以布包定勿動直候瘡

瘡靈苑方 又方 用小麥伍升水玖升煮肆升綿濾

淨汁待極冷令病人臥席上一人含汁嚙其背則腸

漸入嚙時勿令病人知之及多人在旁言語如未入

擡席四角輕搖則自入既入者須用麻油潤線縫緊

仍以帛紮束慎勿驚動使瘡口復逆

劉子涓
鬼遺方

按綫縫

當以細綫縫皮勿以粗針大線縫傷好肉則肉自內

生其綫縫處日久自然長脫否則好肉傷壞益增劇

矣或以桑白皮絲作線尤妙

胡司寇
急救方

又方 用好

醋煮熱洗之

勿太熱亦
勿太冷

隨洗隨入外用活剝雞皮乘

熱貼上再服玉真散自愈有人腸出三日腐變如法

治之而愈脫痂

金瘡傷重被驚者

以女人中衣舊者炙褙熨之

李筌太白

經註

金瘡內爛生蛆

阜礬飛過為末乾糝其蛆即死

衍慶堂驗

方

皮破筋斷

取金沸草根搗汁塗筋封二七日便可相

續止痛一次即愈不必再塗

正骨心法

又方用白膠

香一味為細末敷之

醫宗金鑑

筋骨損傷

白米粉

肆兩炒黃

入乳香末

伍錢

沒藥末

伍錢酒

調成膏攤貼之

御藥院方

跌打損傷及墜馬傷與重車碾傷者 先飲童便壹貳

杯免血攻心急將葱白切碎和麩炒熱敷傷處頻換

以解其痛如青傷用熱豆腐切片搭患處其腫自消

如頭破骨折用葱蜜搗敷尤效切忌入口

此物隨處皆有簡便

易行最宜留意

每年秋冬間採野菊花連根枝葉陰乾用

時每野菊花

壹兩

加童便無灰好酒

各壹碗

同煎熱服雖

已瀕於死一絲未絕灌下卽甦

薛立齋嘗被重車碾傷悶瞀良久復蘇胸滿如築氣

息不通飲熱童便一甌即胸寬氣和後道經居庸見

覆車被傷者七八人俱令以童便灌之皆愈

少林奪命丹

治跌撲重傷不能言語大小便俱閉鼻有一絲氣者服此神效

用當歸

草烏

明沒藥

去油

滴乳香

去油

血竭

半兩錢

醋淬

數十次

自然銅

醋淬七次

各等分為細末每用貳叁分黃

酒送下傷重極者兩三服即愈百日內忌葶薺如出

血過多神氣虛極者不可服

折傷接骨

市上乞兒破鞋底

壹隻

燒灰飛羅麪

焙黃

各等

分好醋調成糊敷患處以絹束之杉木夾定須臾痛

止骨節有聲為效 楊誠經 驗方

又方 用大蝦蟇生搗

如泥劈竹裹縛其骨自痊 奚囊備 急方

接骨靈丹 白朮香根用酒糟搗爛敷之即愈 宜良李 氏刊方

又方 用白蘿蔔切碎搗爛略去粗汁敷患處裹

緊過夜即愈 經驗 良方 又方 用自然銅 壹 兩 天雷石

壹 兩 堊 音勅 壹 兩 即糞窖 陳年磚上之穢者 先將三味用猛火煨九次

醋淬九次再入後藥 貓頭骨 壹 個 醋 炙 九 次 鳳凰蛻 即 雞

子壳燒 沒藥 叁 錢 去 油 乳香 貳 錢 去 油 血竭 壹 錢 共為細

末每服叁錢黃酒送下 雲南錢 即有鋸齒 海螺燒灰 千里

馬即馬蹄內小蹄自退下者佳
如無破鞋底燒灰亦可用

老龍皮即老桑皮
燒灰用

飛羅麪焙黃各等分

陳醋熬成膏攤青布上貼之接

骨如神祕方集驗

又方 以開元錢燒紅淬入好醋內

連製七次研為末以酒沖服貳錢傷重者服叁錢則

銅末自結而為圈周束折處曾以一折足雞試之果

接續如故及烹驗其骨銅束宛然又有人腳骨折斷

以銅末沖酒服之即愈後因病故十餘年改葬視其

脛骨折處亦有銅末束之如倉猝不易得錢銅末亦

可非定用開元錢此真神方也
凡半兩五銖等古錢皆可用 又

方 用旱公牛角

壹個火上炙乾
壹層刮壹層

榆樹皮白裏并

楊樹葉

均不
拘數

黃米麩

不拘數
莖麩亦可

花椒

柴粒共為細

末以陳醖醋熬成稀糊青布攤貼再用長薄柳木片

縛住時刻聞骨內響聲不絕俟定即接如牛馬跌傷

及樹木被刮折亦能接上

展子
明方

又方

用生菜豆

乾搗成末砂鍋炒紫色為度乘熱沃以黃酒調作厚

糊於損傷處厚敷用布包紮將骨湊好外用柳木板

夾定縛住勿動內用土鼈叁肆個焙研黃酒送下蓋

暖令睡其骨漸自接上加自然銅或漢古錢

俱用炭
火煨紅

醋淬柒次
研成粉

七釐散同服更妙

少林此方最神

又方 用活

鱗土鼈頭髮麻肆味入好米醋鍋內熬枯去渣加苳
麥麩熬成膏他藥愈熬愈熱此藥愈熬轉涼以涼為
度先將折骨扶正敷上膏藥用布紮緊勿動再以活
鱗土鼈貳味搗碎黃酒沖服神效凡骨斷痛極者先
用鳳鮮花根壹寸以肥大者為佳磨酒服之則不知
痛然後可用藥治或用麻藥亦可

破傷風

用病人耳中膜并爪甲刮末唾調敷上

簡易良方

又方

新殺猪肉乘熱割片貼患處連換叁片其

腫立消

單方摘要

又方

浮腫用蟬蛻爲末葱涎調敷

破處卽時去惡水立效

同壽錄

又方

血出用何首

烏末敷之卽止神效

筆峰雜興

又方

用白麪炒鹽

各壹

撮

新水調塗之

普濟方

又方

用杏仁杵膏厚塗上

燃燭遙炙之

千金翼

救治凍死說

冬月凍極之人雖人事不知但胸前微

溫皆可救倘或微笑必爲急掩其口鼻如不掩則笑

而不止不可救矣切不可驟令近火但一見火則必

大笑而死凡凍死面必微帶笑容身直兩手緊抱胸

前或項縮腳拳口有涎沫若尙有一息微氣者卽用
生半夏末如豆大少許入耳鼻內又用大鍋炒灰布
包熨心腹上冷則換之候目開以溫酒及清粥少少
與之不可太熱恐傷齒盡落如已救活用生薑搗碎
陳皮槌碎各等分用水叁碗煎壹碗溫服或用礮或
草韁捲之繩索繫定放在平穩處令二人相對踞令
滾轉往來如扞礮法候四肢溫卽活

誤服生鴉片煙並非眞死說 自鴉片煙之流入內地
而於水火刀繩砒毒之外頓添一速死之途且近日

之煙實在爲害不淺其死於此者亦較諸物爲尤衆
殊不知此物但能迷人醉人並不能死人也夫煙之
害莫甚於廣東道光七八年間有三水縣人住在省
城客店因貧服生煙而死店主不能收殮專人赴三
水告其親屬及親屬趕到店中死者已先一日活轉
其死去三日四夜又廣東老件作云凡喫煙死者棺
殮後倘因事開棺檢驗從無平正仰臥之屍非伏卽
側蓋煙性旣過其人醒轉則必翻騰求出而棺蓋已
合遂致眞斃故凡服煙乍死者皆非眞死也豈不冤

哉廣東已有新刊套板洗冤錄內明著救治之方曰
輕者心中發躁但用活鴨血或糞汁或烏羊血或南
瓜籐中滋汁或醬油或凉水或明礬雄黃研末灌之

無弗愈者若服多毒重身冷氣絕似乎已死但肢體

柔軟則臟腑經絡之氣仍是流通實在未死速將屍

安放陰冷無太陽之地

一經日照
即不可救

撬開牙齒用箸橫

在屍口將金汁或凉水頻頻灌之再以冷水在胸前

摩擦仍將頭髮解散浸在冷水盆內自然得活已日

擊救活數人凡七日之內身不僵硬者切勿棺殮云

云洗冤錄爲官中驗用之書非隨口傳說者可比倘肯廣爲傳播實今世活人第一要事閱者試思未死活埋之苦則傳播之心自不能已矣 愚按七日之內身不僵硬者係指春寒冬令之時若夏初秋熱屍經一二日身已發變臭腐何能久停救活耶且近有用燒酒沖服者割血和吞者其毒發愈速而難救每聞吸煙人云煙內如有鼻血滴入者亦難救治是吸煙人深畏暑月蚊蟲飽血墮落煙膏中極爲畱意可見人血和煙尤甚

淮徐通海等屬每有無知鄉民輒以細故輕生在婦女
爲尤甚其間服紅礬者較多茲將解治良方錄後

凡服礬後心腹絞痛欲吐不吐面青肢冷卽致殞命

急用防風肆兩研爲細末水調灌下如吐再灌倘牙關

緊閉撬開灌之無不立解或冷水調石青解砒毒如
神此爲治紅礬第一應驗良方也 愚按此方藥既

賤而易得凡鄉村無藥鋪之處如有好善之人並各
該地保均宜將此藥預爲置備一遇服礬者亟如方
與服解之旣得立救一命而本家地鄰人等免致候

驗訊供及屍親刁告省卻多少拖累雖洗冤錄載用
活鴨血糞青灌之均解總不如防風之神效也并以
上諸方地方官能預爲刊發民間置備倉猝之際不
致搔首躊躇此所謂不出門救萬命不費財行萬功
不假法度萬人與靈聖真君偈相符合尙望觀是書
者顧名思義永垂不朽之功積德行仁廣種將來之
福

太乙紫金錠 能治百病效驗如神凡居家遠出不可

無此

山慈姑

去皮洗極
淨焙貳兩

五倍子

洗刮焙
貳兩

千金

子仁揀白色研細去油淨霜壹兩

紅牙大戟去蘆洗焙壹兩伍錢

明雄

黃水飛曬燥叁錢

硃砂水飛曬燥叁錢

麝香叁錢

各藥研細用

糯米飯入石臼搗爛和藥杵干下作壹錢壹錠病甚

倍服瀉一二次隨食溫粥即止

一切飲食藥毒蠱毒瘴癘河鮑土菌死牛馬畜等毒並

用涼水磨服一錠或吐或瀉即愈 一泄瀉痢疾霍

亂絞腸諸痧并小兒驚風五疳五痢均用薄荷湯下

慢驚 忌服 一中風中氣口緊眼歪五癱五瘳鬼邪鬼胎

筋攣骨節痛均煖酒下 一久近瘧疾將發時東流

水煎桃枝湯化服 一頭風頭痛酒研貼兩太陽并

諸腹鼓脹麥芽湯化下 一風蟲牙痛用酒磨塗吞

少許 一傳尸癆瘵凉水化服能下惡物蟲積爲妙

一癰疽發背疔腫一切惡症風疹赤遊痔瘡俱用

溫湯或酒磨日塗數次立消 一自縊溺水心頭溫

者冷水磨灌下 一打撲傷損松節煎酒下 一心

胃一切氣痛淡酒化下 一湯炮火傷毒蛇惡犬咬

傷冷水磨塗仍服之 一男婦陰症傷寒狂亂瘟疫

喉痺喉風均用冷水入薄荷汁數匙化下 一婦女

經閉紅花酒化服

平安萬應丸

即塘棲痧藥

茅山蒼朮

有金心佳用米泔浸切片焙乾叁兩

丁香

不拘公母六錢

真麝香

叁錢

蟾酥

切片灰燥透研細末壹兩

粉

甘草

去皮炒貳兩肆錢

大黃

切片焙乾陸兩

明天麻

切片焙乾叁兩陸錢

麻黃

去節細剉叁兩陸錢

明雄黃

研細水飛曬乾叁兩陸錢

硃砂

研細

水飛曬燥叁兩陸錢

各為細末和勻水法為丸如菜子大以硃

砂為衣磁餅裝儲黃蠟封口勿令洩氣每服十五粒

日久味薄或倍服亦可 一瀉痢以一服滾水送下

立止如神 一寒暑痧脹肚痛頭眩眼昏以一服含

舌上閉口覺麻咽下 一受寒暑痧脹甚重絞腸肚

痛心口閉悶不省人事以一服研細吹入鼻內再以

一服如前法溫水送下不愈再服卽瘳 一中寒中

暑痧脹吐瀉手足厥冷肚瀉不出先以一服研吹鼻

內再以一服如前法咽下設昏迷難咽卽研末溫湯

灌下卽愈 一感冒風寒惡心頭痛或肚腹飽脹或

胃疼氣痛及鼓脹噎隔風痰等症均以一服照前法

咽下卽愈 一小兒急驚風牙關緊閉不能服藥以

一服研吹鼻內再以一服溫湯調灌卽愈若慢驚風

忌服 一癰疽疔毒蛇蠍蠱諸蟲咬傷俱以數丸研

末好酒調敷卽愈 一山嵐瘴氣夏月途行空心觸

受穢氣口含一服使邪氣不侵入 一跌打驚死熱

死魘魅氣悶至死痰厥冷厥等症凡有微氣急以二

服研吹鼻內灌口可望甦醒遇自縊之人勿斷繩輕

輕解下卽以兩服研吹鼻內灌口若心口略有微氣

者皆可活也

以上兩方
孕婦忌服

來復丹 治上盛下虛裏寒外熱伏暑泄瀉如水霍亂

嘔吐不止六脈隱伏如無漏體冷如冰石湯水不進

薑附熱藥難投急服此丹立效如神 太陰元精石

揀龜背形者佳研

細水飛淨乾壹兩

五靈脂

水澄去沙曬乾貳兩

真倭硫黃

土黃不效壹兩

硝石

壹兩同硫黃共研為末放磁碟內微用火炒取柳枝攪勻火勿太過再研

細末

陳皮

去白貳兩

青皮

貳兩

先將兩皮研細末再入

硫黃硝石元精石各末再研千餘回好醋煎滾為丸

如菉豆大每服三十丸滾水送下即可回生交秋不

宜用

起生丸 治一切危急痧症每服七粒重者九粒或十

三粒含舌上覺麻用涼水吞下或津嚥亦可立效如

神若遇輕痧只須三粒常宜備帶便於救濟務須乾

燥勿使霉黥實有回生之功若研細可代聞藥更妙

真茅山蒼朮

壹兩貳錢
製法照前

公丁香

兩壹

雄黃

水飛
淨曬

燥捌

大劈砂

水飛淨曬
燥玖錢

當門子

貳錢

真蟾酥

切薄

片灰燥透碾取
淨細末肆錢

以上各藥取淨細末秤準分兩端午

午時和勻以堆花燒酒法丸如細菘豆大灰燥磁餅

收儲勿使洩氣救治甚效孕婦忌服

開關散 治硃砂症並感冒風寒各項痧症凡脈散口

眼緊閉手足麻木喉腫心痛醫多不識誤認爲喉風

此名為硃砂症又名心經疔用藥三分先吹鼻內再

秤準藥一錢薑湯沖服服後用紅紙捻照心窩背心

二處見有紅點發現用鍼挑破內有紅筋挑出方保

無事此方神效不可忽視
牙阜叁錢半 細辛叁錢半

明雄黃貳錢半 法半夏叁錢 廣木香叁錢 陳皮貳錢

霍香貳錢 桔梗貳錢 薄荷貳錢 貫衆貳錢 白芷貳錢

防風貳錢 甘草貳錢 枯礬伍分 各藥共研細末磁

瓶收儲用蠟封口不可洩氣凡一切痧症疑似之間

先煎艾湯試之吐者是若絞腸痧最忌喫礬水熱湯

急求馬耳
三
慎之慎之痛定後週時切不可進粥飯粒米湯食之
復發更甚纏腰痧腹痛頭眩昏迷間覺腰如繩纏卽
以真菜油一杯灌下一吐卽愈

蓋天時每交夏令寒煖燥溼無常人卽感受風邪氣不
運化剋制脾胃溼熱鬱積侵入臟腑而邪火炎上壅塞
於上中二焦停滯於腸胃曲折無由達洩遂致變生不
測病狀多端流行傳染隨體虧損因而發越爲痧暑時
疫危險之症凡有牧民之責者乘時按方修合施救并
分諭各鄉一律舉行官先倡之紳耆效之庶可徧及窮

鄉僻壤使編氓小戶共免災眚同登仁壽之域以上五
方藥非貴重尤易購辦余曾勉力製送用特補入並望
力行預先照方揀選道地藥材以端午七夕重陽或天
德月德天醫黃道上吉日誠心齋戒陳設拜禮俾得應
驗須用重羅篩勻如法修合廣施救治並將各方刊刷
袖珍小本於蒞任初傳點地保時按名發交或接謁紳
耆面給諳勸以期有備無患行見澤流昌後是爲勸

笠澤費山壽友棠甫纂輯

男

良嗣子濂
良傑子雄

甫同校

續得誤服生鴉片煙並宮粉毒及飲酒過醉奇方

治用白礪砂

壹錢伍分

秤足研細末涼水一盞調勻灌下

即將病人反撲坑上用雞毛於喉間捲攪使之嘔吐

即愈最忌翻騰倘勢重須將手足縛定令其安臥蓋

轉動即難救治切記縱使牙關緊閉

照前白糖飲擦法

牙開

施治取吐亦愈此方得自山東轉傳河南湖北屢著

奇效忌飲熱茶湯及醋辛熱之品飲食亦宜半溫考

之方書以礪砂能化煙土為水故也

夏蕊香已試驗神效

治癩犬咬傷毒發欲死 每年驚蟄後桃花時蛇蟲出

洞霜降後梅花時蛇蟲入洞出必呼氣入則吸氣吐
納之毒氣常流於洞口犬性喜嗅適感觸其毒從口
鼻吸入遂病癩名獠犬每日只出毒一口難定時候
或出毒時一日咬傷多人春夏日桃花癩秋冬日梅
花癩犬性義而善守癩則不識人不守家頸硬頭低
耳垂尾躡音妥直向前行不返身顧後闖入人家不拘
生熟不分人畜無不亂咬好犬被咬亦觸毒而癩若
人不善避或被咬或啣衣卽觸毒氣設自味不覺未
經早治或治未中肯急則七日發作緩則七七日至

百日定當發作卒病心腹絞痛如刃割神識不清痛
劇無賴自抓胸膺嚼舌嚙指咬其膚肉甚至嚼衣服
磁瓦不過二三時卽死慘狀難言欲辨病症是否須
用葵扇卽蒲扇向病人重搨見風卽身縮戰慄畏懼又
急鳴鑼聞聲亦驚惕不安確是中癩犬毒無疑卽驗
犬是否病癩亦以葵扇風試見風戰慄以鑼聲試聞
亦亂竄確是癩犬當其觸毒未發一聞鑼聲其癩卽
發人與犬皆然僕曾見數人患此旁觀不忍入目束
手無策徧考方書並無起死回生良法間有先用班

蝥及草藥攻打追逐惡血從溺激出痛裂難禁雖不
卽死亦於死中求活似此誠非良法也道光二十六年

年冬

僕

在湘潭經過目擊米船夥卒病心腹絞痛心

無依賴亂抓亂咬百藥罔效醫亦不識爲何疾萬分
危急適同船醴陵客以葵扇向病人一搨大呼曰殆
哉此中癩犬毒發乃死證也能謝六千錢我有祕方
立可治愈船主哀告幫夥身工無多允謝四千同幫
船咸勸謂救人急難是大善醴客不遂欲袖手不救
由是衆怒其忍執醴客縛其手足置病者側醴客畏

抓咬及身自悔願治不索謝請解縛衆因其忍得解
卽食言必傳出眞方能包不死方可醴客無奈始說
用大劑人參敗毒散加生地榆紫竹根濃煎如病人

牙關緊閉

照前法

擦之自開急灌一劑盡而神識清醒

兩劑盡其病若失此目擊經驗者據醴客云凡癩犬
來家或遇諸塗不及趨避或被咬啣衣感觸毒氣知
覺畏風畏鑼聲或在七日進藥一劑於本人頭頂尋
覓紅髮盡行拔去至二七日嚼生黃豆試驗有無畱
毒如嚼豆有生豆氣惡心欲嘔則已毒盡不必再服

若無生豆氣如熟豆可口不作惡欲嘔急再進一劑
 至三七日仍用豆照前嚼試服至三劑留毒已化爲
 膿血從大便出盡永保無虞設好犬被咬於未發之
 先亦用此方再加烏藥壹兩濃煎拌飯與食斷不致癩
 僕經照方施治應手見效即孕婦亦可服愈不惟可
 保無虞且無他患屢試神效靈驗異常每有遠途求
 方輾轉購藥遲延莫及而斃聞甚慘惻茲特縷述得
 方原委試驗如神刊送共知即隨遇施治更乞廣傳

則幸甚矣

沈雨 蒼述

真紋黨

叁錢

羌活

叁錢

獨活

叁錢

前胡

錢叁

紅柴胡

錢叁

枳殼

炒貳錢

桔梗

錢貳

茯苓

錢叁

甘草

錢叁

撫芎

錢貳

生薑

錢叁

生地榆

壹兩

紫

竹根

壹大握

濃煎溫服

又方簡便極效

取萬年青葉

即干年藍

有一二寸濶七八

寸高老而且厚者連根葉搗融絞汁服一二碗其毒

從大便出即腹中已成狗形能化血塊而下不論久

近服之極效一切不忌真仙方也如多服草汁則飲

生薑汁毒亦可解

此方係蕭山陳慶祚傳述同治癸酉春日睹居民魏姓手指被咬傷

痕甚微初不為意至半月餘腸腹攪痛服藥無效月餘痛益甚檢查驗方新編內有此方即試服兩日後

大便瀉出血塊如手指大並有兩黑點如狗眼形腹痛遂愈倘先誤服班蝥毒畱腹中另煮黑大豆濃汁加甘草飲之又靛汁或黃連水或涼水調六一散三錢服之二三次均可解毒

署江蘇臬司衛

刊發誤吞生洋煙方

明雄貳錢雞蛋

清壹個生桐油

壹兩

調勻河水灌服卽吐或吐有未盡用

硬雞毛或鴨毛蘸桐油直埽咽喉乃吐若同燒酒誤

吞者加葛花

叁錢炒末

調服醒後用生甘草

伍錢食鹽伍分明

礬伍分金銀花

伍錢

煎服又宜多食柿餅以解洋煙并桐

油之毒如毒重時久萬無生理者用艾茸如大黃豆

灸氣海穴

在臍下壹寸伍分

較準後用墨點記卽按記處灸

之灸時腹肚兩邊卽往下推運不可歇手灸到手足

能動略知疼痛乃止仍宜照前服藥 又方先以食

鹽伍錢攪冷水碗許灌入以殺其毒而免橫竄再以藜

蘆貳錢甘草壹錢伍分西大黃叁錢膽礬壹錢伍分四味共研細末

加枳椇沖服待吐瀉大作毒盡色清徐飲菜豆湯以

止之

又跌打損傷方 卽玉真散方也 已註於前不贅

洋煙之毒爲害甚酷蓋因吞服甚便非比砒石等毒

必須購求而得也近日披覽案牘因此殞命者幾於

念求馬良方
無日無之甚至愚夫愚婦偶因口角微嫌動輒嘗試
或借以挾制圖賴本無必死之心而竟致喪身者亦
不知凡幾其解救之方所傳不一然求其易知易辦
立可奏效莫有過於此二方者至跌打損傷亦須立
時敷救倘醫不如法或耽延時日更易戕生前方如
法敷治亦可起死回生或鬪毆保辜更可保全兩命
此三方百試百驗幸望好善諸君子廣爲傳播造福
無量

止血補傷丹

海甯陳襄夔曾合此藥不過大錢數百

文奏效不下百餘人戊午在秀水官幕有捕役欲陷
小竊以巨案實利其鬻妻之貲夫婦訣別引刃自刎
傷痕四寸深損食管訪驗時重敷此藥不一月而平
復如常其神效不勝枚舉嗣避難赴津寇盜風波瀕
危數十次而全家竟脫虎口自問無陰德可免大劫
或借此方善機不息上蒼或憐而宥之不敢自祕刊
方以贈同志云爾此卽前之玉真散也

傷損神效散 專治手足金刃木石一切跌打損傷

馬錢子

卽木鼈子
去皮壹觔 枳殼壹觔

浸尿缸內四十九日取

起焙乾研末用瓶裝儲聽用如傷未破皮用酒調敷

患處若破口出血將藥末糝上即時止血定痛消腫

散紅如傷重及內損者除敷糝外再加藥引傷在頭

胸用川芎

貳錢

在四肢用桂枝

貳錢

在腰腹用杜仲

貳錢

在腿股用牛膝

貳錢

煎濃汁和無灰黃酒約共

壹盞將藥末

壹錢

沖服傷輕并體弱及童稚者沖服六

七分無不立刻就愈神效無比價廉而又省力勿可

輕視

傷寒等症神方

專治傷寒等症并夾陰傷寒症冷肚

疼痛冷麻痧症及路遇風雨受寒冬月失足落河孕

婦忌服

老生薑

壹觔

連根葱

壹觔

蘿蔔

壹觔

同搗爛兩分

勻開放在素鍋內炒熱用夏布包好使病人仰臥在
牀炎天用單被蓋之旁人將藥包按在病人臍上太
熱再用夏布墊之冷則再換連按三五次候頭腳有
汗爲度出汗之後切勿替換貼身褂褲百發百中三
物價雖甚賤其功甚大無論有力之家服藥無效亦
可用之無害愈後須忌牛犬肉並田雞鱔魚此係神
方四時可用應驗非常切勿藐視而忽之予得授神

方不敢私祕恐遭

天怒故不避寒素勉力送之諄諄告誡務望見方仔細

行用陰功浩大救人無量矣

又方

紅棗

棗枚
去核

白胡椒

柴
枚

公丁香

柴
枚

葱白頭

柴
個

肉桂

叁
分

雞

蛋白

壹
去黃
個

飛麩

少
許

共藥七味同搗爛用高粱酒

拌和捏如餅形以麝香叁分糝於餅上蓋臍用綢絹

拴縛一週時外邪自能提出如症輕者預將胡椒丁

香葱白三味減四用三肉桂麝香二味減二用一如

房事未逾旬日而起病者斷不可用恐一提而下洩

也

對口並乳癰及無名腫毒初起神效

泥鰍魚尾壹搗極

爛用生豆腐漿攪勻塗敷患處即消

此二方係楊偉甫廣文傳述得

來祕方極為效驗

保胎催生經驗良方

專治一切產症懷孕不拘月數

偶傷胎氣腰痠腹痛甚至見紅勢欲小產者一服即

安再服全愈又或臨產交骨不開兒死腹中橫生逆

產至六七日不下命懸呼吸服之無不神效但臨月

預服二三劑即無難產之患真濟世神方 全當歸

貳錢 川貝 壹錢去心研

製川芎 壹錢伍分

甘草 伍分

白芍

壹錢 羌活 伍分

荆芥穗 柒分

製蘄艾 柒分

麥冬 壹錢

川樸 壹錢薑汁製

枳殼 柒分

菟絲 壹錢伍分

加生薑 叁片

右藥淨水煎空心服產後忌之 此方得自茂苑翼

胎庭識述妻復懷孕心竊憂之因前數胎半產故也後

果腰痠胎漏勢又將墮急延良醫張筠庭診視云保

胎之法莫若古方之良服無不驗初不甚信審視其

方無一非補血安胎之品而方後載驗歷歷坦然服

之一劑即安自此月服二三劑臨蓐時又服一劑不

惟生而速且速而安方名洵非虛語乃醫不自眩長
指古方以示謹贅數語以著古方之神並公諸同志
傳布則保全母子得延嗣續良多矣 以上三方原
非關乎人命救生抵死出入愚以謂富厚之家有貲
延醫購藥勢難取信用並收錄者以備良有司念切
民瘼刊發善堂紳董轉給窮簷茅舍編氓小戶或遇
災荒救治最爲德溥萬民且荒陬僻壤絕少儒醫不
若古方之良廉而效驗其中活人尤千倍於救生抵
死更無限量也

紹方伯傳經驗方

治癰疽無名瘡毒 雷公真君曰凡人癰疽發於背或

生於頭或生於胸腹或生於手足臂腿腰臍之間前

陰糞門之際無論陽毒陰毒一服吾方無不立消已

潰者即斂真神方也金銀花肆兩 蒲公英壹兩 當歸

貳兩 元參壹兩 水五碗煎八分饑服一劑盡化為烏有

矣切勿嫌其藥料之重減去分兩則功亦減半矣此

方既善攻散諸毒又不耗損真氣可多服久服俱無

礙即內治肺癰大小腸癰亦無不神效也不自知是

止痘丹

生甘草

壹錢

金銀花

叁兩

元參

壹兩

貝母

伍分

苦參

叁錢

丹皮

叁錢

黃芩

貳錢

右藥七味擇天赦

日用水二碗煎成一碗不必煎二和渣即將頭煎一

碗汁重湯又熬至三分用茯苓

伍錢

為細末汁調為

丸如米粒大俟半週之時將藥用蜜拌與小兒食之

務於二日內分次服完必下黑糞可永不出痘矣

李芝巖重訂葉天士先生瘟疫三方 風瘟初起惡寒

發燒頭痛身痛咳嗽喘促眩暈目脹煩躁不安漸至

遍身出疹發痧若認為傷寒一用麻黃蘇葉荊芥防

風升麻葛粉羌活柴胡等藥誤為發汗必致煽火上
炎導邪入裏誤傷表氣也倘見投之不效便改用山
查神麩麥芽大黃芒硝枳實厚樸等藥誤為下裏必
致敗氣傷陰邪流於臟誤傷裏氣也均為誅伐無過
禍不可言不知此症全在肺經氣分繼入少陰不須
發汗祇用清解之藥從氣分主治自無不愈三方列

後

案五運六氣
加味附紙尾

十歲以內三分減一

第一方

連翹

貳錢

霜桑葉

叁錢

半夏

壹錢伍分

苦杏仁

參錢去

皮尖研

薄荷壹錢

苦桔梗柒分

陳皮壹錢

炙桑皮

錢貳

竹葉壹錢

通草壹錢

引加生薑壹片

夏加飛滑

石壹錢

第一方服三四劑未愈便宜稍為滋陰兼清

氣分方列後

連翹壹錢伍分

小生地叁錢

竹葉壹錢伍分

生薏苡叁錢

通草壹錢

霜桑葉叁錢

麥冬貳錢
去心

川貝母貳錢
去心

不用引 夏加飛滑石壹錢

第二方服一二劑仍未

愈當大滋陰方列後

大生地

輕四錢重捌錢

犀角壹錢

通草壹錢

川貝母貳錢

元參 叁錢

地骨皮 貳錢

麥冬 叁錢

羚羊角 壹錢

竹葉

壹錢伍分

不用引

以上三方遇咽喉腫痛者原方加

牛蒡子

貳錢炒研

黃芩

貳錢射干

發痧疹者原方加赤芍

貳錢生元參

叁錢

牛蒡子

貳錢炒研

大熱大渴舌紫唇焦者加

石膏

重者柒捌錢輕者貳叁錢中等伍陸錢此藥非大熱大渴萬不可輕用本草所謂大渴引飲之

藥引飲者時時作渴時時思飲愈飲愈渴愈渴愈飲之謂也然味淡難出汁故較他藥稍重 惟舌

苔黑者不治

蓋因誤服陽藥散表太過之害也

子午年少陰君火司天陽明燥金在泉春夏加

川連壹錢滑石叁錢

秋冬加

枯芩壹錢杏仁壹錢

卯酉年陽明燥金司天少陰君火在泉春夏加
枯苓貳錢 杏仁壹錢

秋冬加
川連壹錢 滑石叁錢

寅申年少陽相火司天厥陰風木在泉春夏加
山厄貳錢 青黛貳錢

秋冬加
赤芍錢半 白芍貳錢

巳亥年厥陰風木司天少陽相火在泉春夏加
赤芍錢半 白芍貳錢

秋冬加
山厄貳錢 青黛貳錢 青黛有灰以洋靛花代之

辰戌年太陽寒水司天太陰溼土在泉春夏加
川柏壹錢伍分 知母壹錢伍分

秋冬加
甘草伍分 陳皮壹錢

丑未年太陰溼土司天太陽寒水在泉春夏加
甘草伍分 陳皮壹錢

秋冬加

川柏壹錢伍分
知母壹錢伍分

喉症三方

白鷺喉症乃瘟病之一其初發也微見寒

熱頭痛口渴或不渴由於熱邪內蘊未發是以脈象

不沈不浮而數即宜投以清涼肅降之藥驅之由胃

入腸不數劑即愈若誤為表邪進以羌防等風藥則

火得風愈熾勢必上炎而上焦素蘊之瘟邪必將充

塞經絡甚則喘滿結胸真陰枯竭而危逆之症現矣

楊君仲和神明於醫於此症尤見奇效倉君少坪曾

刊其方奉為萬金良藥三方開列如左

第一方

薄荷葉捌分

連翹去心壹錢伍分

黑山梔壹錢伍分

牛蒡子叁錢

赤芍壹錢伍分

黑元參肆錢

苦桔梗壹錢伍分

浙貝去心貳錢伍分

生甘草伍分

淨銀花叁錢

引加白

殭蠶壹錢伍分

胸悶加枳殼壹錢伍分

紫苑壹錢伍分

服二

劑後病不愈接服第二方

如初起脈見浮數知實有表邪此兩感瘟病蓋瘟邪

因感冒而並發惟既有表邪自應兼治但須分三陽

見症治法各異舌苔白而發熱頭痛者太陽也加荆

芥穗壹錢伍分舌苔白而微黃目痛鼻乾或煩熱口渴而

頭痛者陽明也加葛根貳錢舌苔中黃邊白或中黃尖

白寒熱往來胸滿而頭眩痛或口苦而咽乾者少陽

也加前胡壹錢伍分其餘風藥慎勿亂投如識見不真雖

此三味亦勿亂用也

再論如大便通利幸勿妄用大黃口不渴不欲冷飲

慎勿妄投石膏緣邪結於上未入於胃若用大黃石

膏徒傷脾胃之陽是謂誅伐無過之地且下愈虛則

上愈實如燈浮水面不久自滅况素稟陰虛之人因

下而損脾陽致先後天俱虛雖虛扁復生亦無能為

力蓋脾失乾健之司不能生津於上蒸動藥氣引邪
下行雖再按法施治亦必不能奏功若用清降之藥
以治咽喉之結熱而脾陽更傷如用溫通之劑以救
藥誤而又慮溫邪復熾緣咽爲胃之關門主出納之
道路不能飛渡以救胃陽之傷耳胃爲六府之總司
主飲食之運化亦不能舍正路而弗由也皆由藥誤
以致病者一身上下如水炭之相反雖欲不死亦難
求生余亦非謂此病禁用大黃石膏倘大便燥結三
四日不行胃熱熾盛渴思涼飲則是邪已入胃除此

又別無良法矣惟望神明之醫權衡於輕重先後之

間耳

第二方

牛蒡子

肆錢

瓜蒌皮

叁錢

小生地

肆錢

苦桔

梗

貳錢

川鬱金

壹錢伍分

連翹

貳錢

生甘草

陸分

黑元

參

陸錢

赤芍

貳錢

山豆根

貳錢

引加白殭蠶

炒壹錢伍分

音瘧加射干

壹錢伍分

蟬蛻

壹錢伍分

口渴加花粉

叁錢

胃

熱甚加生石膏

肆錢

熱退即止

如大便已三日不解

此方服至第二劑時即可少加大黃

酒洗壹錢伍分

服二

劑後痛仍未止接服第三方如大便通利惟喉痛未

止服第三方去大黃勿用

第三方

牛蒡子

伍錢

瓜萸皮

叁錢

連翹

去心 貳錢

苦桔

梗

貳錢

川鬱金

壹錢 伍分

赤芍

貳錢

生甘草

捌分

黑元

參

捌錢

山豆根

叁錢

生川軍

酒洗 貳錢 重者用 叁錢

大生地

肆錢

引加殭蠶

炒壹錢 伍分

如服此方大便仍燥結不

行酌加元明粉

大便通後即去大黃如喉尚有微

痛或服第二方亦可小兒減半病重者一日內可服

兩三劑分兩亦可酌加

清肺養胃湯

大麥冬

叁錢

生白扁豆

叁錢

地骨皮

叁錢

大生地

叁錢

生稻芽

肆錢

釵石斛

叁錢

元參

肆錢

青

竹茹

壹錢伍分

浙貝

去心壹錢伍分

竹瀝汁壹杯
甘蔗汁壹杯

引隔水溫熱沖入煎藥內

此係調元之方恐喉痛愈後餘熱未淨再服此方數

劑靜養勿藥可耳

武林任有容齋刻印